

GALICIA EN CIA

Bases do Concurso de Fotografía a Través de Instagram




Participantes

O concurso está aberto a todo o alumnado e profesorado de secundaria, bacharelato e FP dos centros educativos de toda España.

Temática

O certame organízase con motivo da celebración da Galiciencia 2023 utilizando a temática de referencia desta edición: *Aeronáutica e Aeroespacial*, polo que, partindo dun enfoque conceptual libre e aberto, os deseños deben ter como punto de referencia calquera obxecto ou contorna relacionada coa temática en cuestión.





Condicións e formatos


- O número máximo de fotografías por persoa que se poderán presentar será de 3.
- As fotografías presentaranse en branco e negro ou color.
- Os participantes deberán ser os/as autores/as das obras presentadas.
- Deberán de presentarse a través da rede social Instagram etiquetando a Galiciencia a través do hashtag (etiqueta) [#concursogalicienciaonline2023](#)

01 Presentación das obras



Todos os participantes que desexen tomar parte neste concurso deberán:

1. Seguir o Instagram de Galiciencia.
2. Subir as súas fotografías a través da rede social Instagram etiquetando a Galiciencia co hashtag (etiqueta) #concursogalicienciaonline2023
3. Poñer un título á fotografía e o centro educativo ao que pertencen.
4. O prazo de presentación das fotografías é desde o 23 de xaneiro do 2023 ata o 24 de abril do 2023.



Xurado

O xurado será asignado pola organización entre persoas expertas na materia.

Resolución

A resolución do xurado farase pública o venres 12 de maio ás 13:30h durante a entrega de premios da Galiciencia 2023 e publicarase nas nosas canles (web galiciencia, facebook e Instagram). A resolución do concurso é inapelable.



Premio

Diploma e un obsequio para o ganador/a do concurso.



Propiedade

Todas as obras premiadas quedarán en propiedade do PARQUE TECNOLÓXICO DE GALICIA, quen se reserva o dereito da súa exposición, reprodución ou publicación, sen que iso supoña perda da autoría dos deseños, cedendo os dereitos de reprodución, exposición e explotación non remunerada, pasando a incrementar o patrimonio cultural, sen que estas poidan ser obxecto de compravenda.

Observacións

O feito de participar no presente concurso implica a aceptación total das bases.

A organización non se responsabilizará da non chegada das obras ao seu destino.

As obras que non cumpran as condicións de presentación non entrarán en concurso.

A organización resérvase o dereito de tomar decisións non reflectidas nas bases, así como solucionar calquera tipo de conflito na interpretación destas.

Tecnópole garante o correcto tratamento dos datos de acordo ao RXPD (Reglamento xeral de protección de datos) e a lexislación española vixente.

PARQUE TECNOLÓXICO DE GALICIA, S.A., como responsable, fará uso da información persoal concernente ao meu alumno/a ou a miña propia, coa finalidade de posibilitar a súa participación no concurso, sendo a base xurídica a prestación do servizo. Poñemos todo o coidado e contamos coas medidas que a lei esixe para que a información persoal facilitada e/ou o resultado do seu tratamento non chegue a terceiros, salvo imposición legal, encargados de tratamento ou logo do seu consentimento. Ten vostede dereito a exercer os dereitos de acceso, rectificación, cancelación, supresión, limitación e oposición, así como solicitar a súa portabilidade, determinados pola Lexislación vixente en materia de protección de datos persoais, dirixíndose por escrito ao seguinte enderezo: Parque Tecnolóxico de Galicia S.A. Edif. CEI, San Cibrao das Viñas, 32900 Ourense. Ou ao e-mail tecnopole@tecnopole.es. Os datos do seu alumno/a serán conservados ata que finalice o obxectivo polo que foron obtidos, a no ser que unha lei nos lexitime para o seu uso. Así mesmo infórmase que, de consideralo necesario, pode presentar reclamación ante a Axencia Española de Protección de Datos.

GALICIENCIA

